

٤٤٦-٥



اصدارات الطليعة

روحك تنط لتحت
عبد الناصر علام

روحك تنط لتحت

شعر

عبد الناصر علام

الطبعة الأولى ٢٠٠٨

دار اكتب للنشر والتوزيع

٠١٢٩٢٥١٥٩٢

المدير العام : يحيى هاشم

www.oktob.net

dar_oktob@gawab.com

رقم الإيدع : ٢٠٠٧/٢٦٥١١

تصميم الغلاف : رانا عمر

روحك تنط لتحت

شعر

عبد الناصر علام

الطبعة الأولى

٢٠٠٨



دار الكتب للنشر والتوزيع

إهداء

حلمنا محسوس

ملموس بصوابع إيد ...

ونشيد

معناه فى غناه

وغناه ترديد لأغانى الطير

نشاق نتلاقى ونتواعد

والطير لو سافر ..

هنساعد مايغيش كثير

عبد الناصر علام

هَيَّ الحَيَاةَ

تمسكنا وتسيَّب
تجرحنا.. وتطَيَّب
مالهاش عدل
معووجة في المشيه
هاتقوللى عيش الحلم
غرقان فيه .
هاتقوللى واسعة الأرض
شوف الورد ... أنا مغرم
أنا كنت شايف تحت رجليّ
قُصر النظر مش عيب
ولا وقت ما بتهرب دماي.. عيب
كم من جبان اتدارى في الهيبة

كَمْ مِنْ شَجِيعٍ
اتْلَفَ بِالْخِيْبَةِ
وَلَا فِيْهَا شَيْءٌ يَنْفَعُ
وَلَا فِيْهَا ضَلَالَةٌ
وَلَا فِيْهَا وَادٌ مَجْدَعُ
أَنَا جَسْمِي مَنَقَطَعٌ عَلَى الْفَرْشَةِ
وَقَلْبِي مَتَوَزَّعٌ عَلَى الطَّرِيقَاتِ
يَتَهَزَّ جَزَعٌ وَتَكْسِرُ الْعَابِرِينَ
تَتَمَسَّرُحُ الْأَحْدَاثُ فِي وَجْدَانِي
كُلُّ اللَّيْلِ فَاتٍ
حَتْمًا يَعودُ ثَانِي
بَانْزِلٍ لَتَحْتَ ...
أَلْقَانِي مَنَقَدَمٍ
بِاطْلَعٍ لِفَوْقٍ
أَلْقَانِي مَتَنَدِّمٍ
خَطْوَةٌ قَدَمٍ بِتَغْوَصٍ
جَرَّةٌ قَلَمٍ تَهْزَمُ

ياقلب مالك...
مش حزين وضحوك
حالك ما يعجبنيش
مبسوط بجد ؟!
ولا من دواعي الخوف
أرجوك تلم الدور
أرجوك تثور تحتد
هزّ النخيل
طول ما انت فيك النبض
تقدر تقوم وتشب
تقدر تهيم وتحب
تقدر بكف المرجلة
تصفع وشوش الكذب
يا أيها القلب الضعيف .. مالك
لا الساحة فاضياك
ولا راحة ها تنولها
تعرفلهاش آخر

تعرفش أولها
هاتخوض غمار المطحنة
يكفيك
إنك ماكنتش لحظة ما .. مهمل

والعالم المنفوخ
والعالم المسنود على الدانة
متسالة منه الأوردة والقلب
والفحم متربع على التجاويف
مابيتكسفش ف مره على دمه
والأزمه بترفرف على الطواحين
خليك فاكرنني ان رحت واتأخرت
قول للجميع
ياما الجميع حذرت
وفرت مشواري
وعبرت للأنفاق
كام اتفاق وقعت
كل الديار داري

يا رفاق سنين العمر
يا رفاق
قبضتوا ف جثتي كام ألف
مين استخبي ومين ظهر عَ الوش
مين اللي دار للخلف
لما الطبيب
على قلبي وطى وجس
الكل هُس
والدبابات اتقدمت نحوي
والطيارات بترش زيتونها
تحصد رقاب الزرع واليابس
قلبي اللي حابس دمه فاض كيئه
والعالم المزعوم
مذموم وخاب كيئه
وماسابش حيله وإلا جربها
وماسابش ارض وإلا خربها
قَتَل حمام البني .. ما خلى

واندار على أحبابها
يا وشك الأبهي
يا سيد الشخايل
إشهد يا ليل
عَ اللي اختصرني ف كاس من الخمره
إشهد يا ليل
عَ اللي سرق .. منّي الفتيل
عَ اللي دفعني ف غيابة الحفره
وبقيت ابص لفوق
علشان اشوف الشمس
" طلعت يامحلى نورها "
وما شفتهاش

الخوف غلاف الجو
الخوف أديم الأرض
الخوف صباح ومساء
يا أيها الأشلاء

يا أيها الأحياء
يا أيها القاعدين
ما تقولوا قاعدين ليه؟

الفكره طلعت من دماغى .. خلاص
ها تبوسوا على راسي
راح تشتكوا للناسي
مش فارقه عندى المسألة وعادي
يا ردىء يا صوت الحكمة فى الزمن الغبي
يا بطيء يا خطوي
فى صد زحف الأجنبي
لوحد بص ..
هايشوف ظروف الكل ف عنيا
والصبية والعواجيز
على سطح عجلات الوطن هاربين
على سطح عجلات الوطن راجعين
لاجئين .. على لاجئين

لايقين لبعض
الخطوة ديّ الأولى واللا خلاص
هيّ النهاية الفصل
من حقّ أسأل فالسؤال ما حرمش
مين اللي يقدر يسرق الثاني
وفصول سنين العمر يسلبها
يحلبها برد وحر
يحلبها برق ورعد
وعد .. ف وعد
واللي افترته يسد في الأزمة
باعني بقليل في السر
والزحف جاي بيجز على نابه
قاصد بيوت الكل
كاسر سنان الكل
دايس على الرقبات
بلسانه يلحس .. قبل ما يقرمش
بحصانه هايدوس .. على الحرمات
إذا كنت باتخابث ..

فانتو اخترعتوا الخبث
وانتوا.. منعتوا الخبز
وانتو اللي بعتوا الأرضيات ..
بالخبث

الأرزقيه مايجرسوش بلدان
وما ينفذوش أوطان
ممکن يخشوا الوطن
يبقى الوطن أوطان
ويحشوا زرعه.. وخيره بالمنجل
ويهشوا طيره بالصاروخ والبمب
الدائره عما تلف
والزائره عما تزور
قلبي الجسور
قرّب يبور ويجف
كل الرصاص بيخيب
كل المحن عادي
أنا لسة ليكي حبيب
ياحبيبتي يا بلادي

واخذانا فيه؟

المجدافين متكسرين
عريان ولسوعنى الهوا
عريان معلق قلبى فى الزنازين
أوعى تقوليلي اللحظة دي .. توضيح
اللحظه دي .. تثبيت
مين اللى خان
مين اللى صادق كان
مين الشجيع وجسور
مالكيش مكان فى القلب
وقفلت بالترابيس
شكلك بيبهت
باحلمك كوابيس
وعنيكي مكسورة

يا حكاية متعادة
أنا رجلى داست عَ الزمان السُو
واتشعبطت ..
على نخلايات الحلم
فوق.. فى الجو

الطير غريب
وانتي اللي جايبالي
وانتي اللي بادرة الضلّه
والخضره
حط الغريب
واستولى عَ المدرى
نام عَ الغلال والأرض
ماسكتش وانداز بالعجل
بايديه .. على القلب البرىء خوى
أعمل معاكى انا إيه
وانتي اللي ما اقدرش ابتعد عنها .

مفتونة بيا ..
بيكي .. أنا مفتون
إنتي العفاف والصون
إنتي الجفاف واللين
يا قساوة الصوآن
يا طراوة الفلين
لما الإيدين .. بتخش في شقوقك
بالقاني باتكهرب
تصدمني ضحكة حبه على عقرب
حبيت أجرب .. دوست غ الزر الغلط
ما عرفت كيف اهرب
أجل أنا عاشق ولكل أجلن كتاب
خجلي ابتلاني بحب .. حيرني
علمني مين يفضل
وراني مين يتساب
البحر بينادي على الصابرين
والمركبه مسافره
مين "م" الكشوفه غاب

عاد زى ماتيجي
خليها تخبط فى الكل
خليها تزود فى الذل
خليها تعرّي ...
التوابيت الموميا
وبتاع الزمامير بيزمر
تتلوى وترقص
بيطل تزمير .. ترتاح
ويصير العكس

الحية تزمز للتعبان
الأغبي
رغم أنه .. مايببصش بعنيه

وان حد لَفتَ نَظَرُهُ .. بِيحَتَد
يَقْلِبُهَا ف سَاعَةَ الْجَد ..
هزار
واهى ماشيه العكس
أَلْحِيَه تَزْمَرُ لِلتَّعْبَانِ
يَتَعَلَّمُ كُلَّ الْعَالَمِ ..
كيف الرقص
العادى أكيد..
والمقنع جداً
الحيّه ترافق تعبَانِ
والغانيه مشاع
بتروح للأكثر دفعاً
وقليل ما بتقبل ..
بالمجان
والعالم فاضح بعضه
إن يطلع.. فى الصورة العريانة
والحيّة معاه

ويا ريت ببيان..
فى الوضع الأمل
دا موطني و واخد فى المليون
ولذلك ..

م اللحظة الأولى
حسيت بالفرق
حسيت بالزيف
فالعالم كله .. هراء
ورسوم تتحرك
و خشوم تتفبرك
تنطق لما بتاخذ إنن
تخرس لما يشاور ليها
وتصير كاللعبه
والدنيا جميلة
والناس أخيار
واللوحة عجيبة
لما بتقلبها وتقرأها ..
بتلاقى العكس

فرو الدب
وفرو الأرنب
فرو الثعلب
والعقالات ..
الحصانات جنب العربية
فارس .. باصص
م البلكونه
فارس حابس ..
نفسه ف خيمة
فارس هلس

باقي اللوحه
عيل قاعد ...
عمال يلزق ...
جلده الواقع فوق العضم

الأيام مش راضية تصدّق
إنّي رجعت
عيني بتدخل بطن الحوت
بطن السمكة ..
مافيهاش خاتم
مافيهاش حلم يوحد... ربّه

كل الطيبة..
والعفوية
ما توصلش.. لآخر الشارع
شفت الحية اتلفت.. كيف ؟
والزمار مشغول وبيعزف..
والزمار مسئول وبيعرف
إمتى الهدنة..
وإمتى الضرب
إمتى ببيعت ..
من تعابينه ..

"مبعوث سام"
إمتى بيعمل ..
إعلان حرب
إمتى ببيعت رأيّه بفاكس
الدواليب فى البيت ماتعدش
كل ما جلده بيعطع منه
ياخذّه يشيلّه
لو متروح البيت الأبوظ
تلقى وشوشه ف كل مكان
أما جيوشه ال مالهاش لازمه
تعرفهاش كانت منتصرة
ولا منهزمه
يُعرف بالتعبان الأغبى
لما يجوع بيروح لغيرانه
يؤمر أمر
يبلغ شبل
يبلغ ليث

يبلغ فهد
يبلغ طفل يادوب فى المهد
بُقه الواسع
ما مخلص
جوفه مغاره
والحراميه اللي محاوطينه
بيشغلهم بالصقاره
جوفه.. تلفه بعربيات
والحراميه عددهم ياما
اللى بيسلخ
واللى بيطبخ
واللى قاعدلك..
تحت الطاولة
واللى بيستأله مقاوله
واللى بيحسب
واللى بيقرب
واللى بيحلم..

يبقى الأولى
والتعبان الأغبي .. بيعرف
إمتى بيعزف
مره بيعزف ..
ياللا هجوم
مرة يصلى
مرة يصوم
مرة يقلب ..
فى الألبوم
جوه جرابه
حاطط عالم .. كارتون ديزني
واللى غايظني
إن جراب معاليه مخروم
الوشوش
مالها الوشوش
مكتوفة الحركات
ولا فيها عين بترّف

ولا فيها غمّازة
ولا فيها شفّة بتبتسم من جد
نجّار متّين ..
فصلّها على قالب
كلّ الوشوش واحد
وانا اللي جاي فرحان
طهقان من الدهاليز
وانا اللي فاكر نفسي
غالي .. عزيز
خدني الجفا ..
على وشي بكفوفه
بالقهر والحيله
هيه المفاجأة
بتخرس الألسن
وتثبت الأعضاء
لاقدرت أقول ..
ولا اعيد

فین لَمَّا فوقت .. شهقت
وصرخت فی الخافین
رَدَّت علیا الصحرا..
صدی .. صوتي
ولاحد قال .. انا فین
ولا حد شاور عَ الطريق
دا منین
واقفه الوشوش
على عضمیات.. بتئن .

زي الحقيقة

ما تكثرش في الكلام
وما تحلفيش تاني
مليانة من ساسك.. لراسك
زيف
وبتكدي الكنبه اللي هيّه
و ف كل مرة باصدقك ..
وانتم
ماسكاني من ايدي ..
اللى توجعني
أنا باعترف بالحق
إحساسي بيكي بجد .. ضيعني
رفضني لخيانة ضلك الماشي

فى الخيَّة وقَعنى
كداية.. كدب
دمعك مالوش محبس
حزنك يهز الصخر..
لو يُصنَّق
مش راضية ليه بحلول
مش يمكن الأيام..
تَمُر سراع
ولا يبقى فاضل وقت..
قَدَامك
وساعتها تفشل..
خطَّة الإسراع
ولا تقدر يش
ترميها أقدامك
خليكي قد الفعل
عايزك بنفس اليافته.. والأناشيد
عايزك كدا

أصلية.. مش تقليد
دفيانة وسط جليد
صافيانة .. عريانة
زى الحقيقة .. أكيد

مستأحيه الجوخ

تلاقىهم أول ناس..

فى الصف

يكوولك حتى الببله

اللى انت لابسها...

وانت لابسها

تلاقىهم

همه الأحسن فى التنضيف

هتيفه بجد

وعنيهم جامدة

وايديهم واكله..

وشاكرة وحامدة

داعكين شوارغنا

ناصرين.. لصحاب الكرسي

وارثين الزيف
دارسين الشخصيات..
بالحرف

لو عايز حد يفبرك.. فوري
بيكونوا الأشر في الفبريك
بل همه صحاب الكلمة الفصل
بل همّه صحاب الفضل عليك
بل همّه الديل..
لجناب عليك .

أرفح الشعاع

توهنا فى الوضوح
هيه مش وفيه
حية .. بنت حية
حيرتنا .. موتتنا
واحنا .. فى الميلاد
واشترتنا ..
واخترتنا ..
عنها .. مش بُعاد
سايقة فى البعاد
عايقة رايقة .. فايقة
لايقة فى الزعل
دايسه الكل دوسة

كلُّه سهل عادي
واللى دافقها شربة
ينفخ في الزبادي

قلبي فينه راح
خزنه لم يسيبه
دوره لم يصيبه
إذنه لم يجيبه
وكله في النهاية
قال ياخذ نصيبه
بعدين واللا... إمتى
باهرب من زمانى
واللا "م" اللى جاي
واللى .. ملّ ماله
ليه قلوب .. عجول
واللى قلّ ماله
بتدوسه الرجول

قلبي آه .. يا قلبي
بدرى واللا.. وخري
صدري .. درع صخري
صبري .. جبت آخري
مانشوفك طريقة
الحرامي باين
ومعاه السريقة
لسه راح تعالين
وتشوف الحقيقه

احترامي زايد
لرجال الشدايد
واحترامي ... ناقص
ناقص كام دقيقه
برجي الباقي .. طار
فارفع الشعار
وافتح الستار

مشهد البداية
وختام الروايه
والناس الكُتار
خُرس طرش خالص
مدفونين في طين
متحاطين سياج
متعاصين خنوع
منزوعين هياج
واللى بيئته هين
معمول من زجاج
ياخد كف لين
لو أبدا احتجاج
لو أبدا انفراج
لو أبدا انبعاج
مهمل زاد ضياعي
من غيرٍ اِي داعي
واللى كان في كفي

خد طريق زراعي
مالها القاسية بينا
مالهاش أي لازمة
فى إزائها اتغلينا
أزمة.. تجر.. أزمة
دورنا فى دوامتها
وماروحناش .. و جينا

الذكر في التّبات

الضحكه تبتهت ..
تثبت التقاطيع
ياوش مالك ..
فيش كتابة عليك
وقعت حاجاتي ..
عَ الكراسي .. الكمّ
الزحمة دي ...
علشان ما روح .. راحت
الزحمة ديّا .. بجد ..
واللا .. طقوس
يا مدلدلين الروس
"الرُخ" بوّط ..
بجناحاته وشال

والحدايات بتلّم ..
فى الفايض...
عمالة تجري فى الفلا
يا غزالة ما تحنّش
وان كان ما فيش..
ولاحد متكلّم
إيانا .. تاني
نفوتها.. لحظتنا

النار نطتنا ..
وشوّهت ياما
قولناشي آه
ولا يوم شحنتنا..
المرهم الشافى
القلب دافى..
يحن ويسامح
يعرفش فين رايح

لكن في ساعة الشدة .. يتفجّر
ويكون قتيل الحق وشهيد
اللى انت بتعيشه..
السنين تطويه
والذكرى تتراقص على المسرح
والألعبان ..
اللاهي .. عن زيفها
تتهز .. ليه
وتلاغي فيه
تضحك عليه
وتعلّي فيه
عند القبول تلغيه

ما احسبش كل الغلبانين..
شُققاً

بيفرقوا المواويل
ويغمسوا الحزن ف دموع

كل البيار جافة
إن رجعت الأيتام
ها تميل الكفة
ها تحل لغز الصمت والعتمة

كان يا ماكان.. يُتَمَا
كان يا ماكان مساكين
ماسكين فى بعض
متسلسلين بالوعد
ومحددين الشكل .. للرصفان
والعك من شيم الرجال
والشك عال
والرك ع النيات
لو حتى فيش اعمال
فرشة سريري .. مرور
وكام شارة
فرشة سناني ..

قديمة.. مكسورة
عدت عليها الدواب
مرت قوافل ع الفراش والحيط
وانا النسيط
نطيت لفرق وزعت
جبت الغيار ولزقت
والجرح نازل نرف
ما مبطل
صرخت هدمى..
طهقت واتمزت

الجهل دار
لكن بلا شبابيك
وان كان كُتار الأهل
مالهم .. بيبك
قول إيه هاتعمل ..
لو نسييت الباب
من غير ما تقفل .. سكتين

وثلاث
من غير ما تطفى النور
كل الأمور..
بتصب للعندك
وماكانش ع البال..
الرحال يتشد
وتهد خيمة العمر..
فى المولد

الكلمة طظ فاشوش
والأمن صار مغشوش
والسم نازل..
من نبيان الـ "بوش"
إوعوا الحكايه تمر..
بالساهل
يتلخبطو الزعماء .. على الحكماء
يتجمعوا الأمراء
يتململ العاهل
ياريت تموت الأمه..
موت رسمى
أحسن ما تقبل بالخنوع .. وتتخ

لو كان دا ينفع..
كنت اشيل اسمى
وأقول عليكم
ألف مليون إخ

يادى الكسوف
ياضيوف
يا ملاكها
بعنو الوطن .. ببلاش
واهو .. حته .. حته
خلاص بيملكها
جرح الوطن واسع ..
ينفعش فيه الشاش
ولا حد غير ..
حاجة فى التواريخ
ولاحتى مات .. أو عاش ..

روحك تنط لتحت

طالع لنفس الشقه ..

مكتوم النفس

خايف يحس... بخطوك الحارس

فوق السطوح

روحك تنط لتحت

تنزل سليم

وما فيكشى تعويرة

دا حلم واللا..

درشة مساطيل

شتيت صوابك..

كانوا بيعافروا

لم لانوا فى ايديا

مفرد بطول الطريقة..

بتشخر

عدت عليك..

السندريلاً .. البكر شتيتها

وقعدت على حبلك

عمال بتحكي ..

وهيه تحكيك

الفجر يذن .. قمت .. صليت

وطلبت قهوة..

وشيشه ع الماشي

الدنيا برد

الريحة تخنق..

تطرد السكان

غرقان يا قلبي ...

والعمارة بحور

لو فيها مركب..

كنت جبلك

ملكك فؤادي البنت..
ورمتني
قسيت على
خلتني دوقت الشهيد..
وامتنعت
دخلت في حضني ..
وعلمتني الحب
دلقت عليا..
الحب بالكيله
هربت صبحت عبيط
حسيت ببعض الهزيمه..
والكسوف واللوم
في القعدة باحكي ..
لحد ما اتعذب
أي السكك ..أقرب
إمتى .. أكون مبسوط
إمتى .. أثور واغضب

معلّش متعوّد على الصدمات

ضحكة حبيبتى..

مكسّره فتافيت

والوش متكرمش

حشيت بايدى النحيلة..

م النجيل وأكلت

لم حنّت البنت الغبية علىّ

ولا هزّها المشهد

طبعاً أكيد.. قالت دا بيمش

مع إنه كان بحقيق

إن قسيت الأيام

بتوقعك فى الضيق

دخلت فى قلبى..

الوردة بالشوكة

فضلت... تلتقط

عمرى بالشوكة

دَوَّبتْ بِإِيدِيَا الْأَلَمِ
فِي ضُلُوعِي بِالشُّوْكَةِ

طَبْعاً دَا مَوْشَ مَوَالٍ
وَلَا غَنُوةً تَتَغَنَّى
أَنْيْتُ فِي سِرِّي ..
وَكُوْمتِي .. رَمَادٍ
مَعَ إِنِّي كُونْتُشْ قَشٍ
دَخَلْتُ بِحِيلَةٍ ..
وَبِيعْتِي الْبَيْتَ .. وَغِيطَ وَارِثِهِ
الْحُبِّ أَمَارِسُهُ ..
وَادُوقَ وَاشْرَبَ بِكَيْفِي .. الذُّلِّ
بَايْنَ عَلَيَّ خَرَقْتُ
إِيهِ لَازِمَةُ الْعَيْدِ .. فِي الْكَلَامِ
رَاحَ اللَّيْ رَاحَ
وَالْبَنْتِ .. مَشَّ تَوْبَكَ
فَالْبَسَ .. هَدُومَكَ ..

وانزل التربة
واغرق في أحلامك
يمكن تحس برعشة الحافيين
وتلم غيط الحزن ..
وتعبي

زرقة عندها البنت ..
كات تعبي
دبحتني برموشها
واستوطنت عبي
هيته السبب
في اللألة .. والآه
يا بير غويط
ونزلته على غفلة
خدني الغرام
لمراسم الحفلة
رجلًا طين
وايديا طين

بأظ الموكيت..

البورسلين

اتلطح العتب الرخام بإيدي

أتاريني مش م الحي

أتاريني ميت حي

رقصة

ومن الأزل..
والمفسدين قاعدين..
على تلّها
وانا لم أزل
باحلم يكون بعدين
ويحلّها

كله بأوان
طرحت .. ليالي الصبر زيف
لا قدرت .. أحذف..
أو أضيف
ورد وسرق دمعهُ الخريف
والكذب..

عدّا اللي انتهى

باي باي

يا قلبي ..

خلاص و روح

لامعاي أمل

ولا كيس طموح

ضحكت علينا البالونات

وفرحنا .. كترت الشمعايات

وطلعنا م الباب .. للضباب

حنّت علينا بنص ناب

عايزانا قال .. نضحك لها

قلبي الفراشه اللي اترصد

قلبي الجريء .. قلب الأسد

كترت على قلبي الجروح

تهمه و خلاص ..

ولبستها

موالي محبوبس فى القفص
وغنايا مش وفق النايات
من غلبه ..
ناي .. روجي اتقفص
ضاعت معاه
ياما .. حكايات
فتحة ألم ..
وهاستها

معقوله دي!

دلوقت من بعد العشا ..
بارتاح
وادخل في نوم يقتل
وانا اللي كان السهر ..
يطوى اليومين على بعض ..
ويليل الأسابيع
وماكانش يغلبني
دلوقتي باستنى المذيعة تنيع
وتقدم النشرة
ما الحفش طوق للنجاة
واغرق في نوم ..
ما اقدرش اقوم بعدين

معقوله دي؟

تفلتني من سجان .. إلى التوهان

وتشد شعري لحضنها البائس

صعبت عليا .. نفسي

ما أقدرش ادلل .. دمعي على خذي

لو حتى باتفرج وبس

واسترجع الهربان ..

من الزمن الجميل

لا عيال تعكنن عليك

ولا نسوه بتكاكي

وتجيب صداغ في الراس

راحت عليك

لا ركبتهما الأجرة

ولا سوقت ملاكي

سلملى غَ المواسير

وانت ف زحام الباص

فَرَقَتْ مَعَايَ

لَمَّا تَتَفَاجِئُ بِحَدِّ عَزِيزٍ
بِيدُورٍ عَلَيْكَ وَيَلْفٍ
وَيُفْتَرِضُ فِيكَ الْغِبَاوَةُ
وَكَاَنَّهُ هَوَاهُ الْأَذْكَى فِي الْعَالَمِ
تَصْعَبُ عَلَيْكَ نَفْسُهُ
وَتَحْسُ إِنَّهُ عَبِيطٌ
مَشْدُودٌ بِحَبْلِ الضَّلَامَةِ مُتَغَيِّبٌ
وَالْكَذِبُ مُتَرَصِّصٌ .. عَلَى الْأَرْكَانِ

مَنْ غَيْرَ مَا تَدْخُلُ جُوهَ فِي النَّفْسِ
بِيخْرٍ كَذِبٍ وَزَيْفٍ
يَنْفَعُشُ تَتَعَاتَبُ مَعَاهُ

ولا تنصحه
خلّيه يفوق وحديه
الكل ماشي وليه سكك ودروب
كيف الوصول ؟
تفرق
من شخص للتاني
من فات قديمه يتوه
ويصير حُقر وندوب

شغال في رجلك ع الكليم
تتنيها ويتفرد
والشمس تاكل في الألم وتحت
لا قعدت تاني وقمت
ولا رحت معزوز ..
مش مُهان مكروه
طالت شوارع لَمّا عَدَيْتْهَا
قصرت ساعات العمر ..

لَمَّا جَرَيْتَ
فَرَقْتَ مَعَايَ
أَنَا لَمَّا عَدَيْتَهَا
وَطَلَعْتَ مَشْ خَسْرَانِ
كَتَبْتَ كِتَابَهَا عَلَيَّ
مَنْ قَبْلَ عَدَّتِهَا

ما كانش فيه داعي

يمكن ما اظنّش .. ما افتكرش
يمكن مطنّش
أبقى غلطان ما اعتذرش
و اعمل لنفسى كيان
مرسوم عليا الدور
لايق قوي
ومخلي سعري بيعلى ومعدّي
بحري البلد .. قبلي البلد
كل الطرق ...
سلكانه بتودي
الظن مش بيصيب
والسهم دايماً فى النشان

بيخيب

ماحلاها بنت بتعشق الأحزان
وتدوب في كاس غازي
أخذت تعازي الكل ف اخواتها
ولا فيه عيار بيصيب
ولا حتى يخونها
ترقص على القتل
والدم يصبح في الإيدى حنّه
دُخلتها تتأجل وتستنى
مع إنها
حسّت بطعم اللذة واختبرت
كم من فحول
من غير خيول عبرت
استعجلت
رمت التيجان
والـ حنتين الصيغة في التفانين
نامت على الكنبه
اختارت الأسهل
فما كانشى فيه داعى الديار ترهن

لما ... ياكلني الديب

عارف مش وقته التفسير
أكبر كدبة يعيشها الواحد
لما يكون عثمان في الخير
لما يكون فرحان بشبابه ..
ف واقع أجوف
وبينتمسخر ع الجايين
واخذ إيد العهر يوماتي
وبينفسح في الشرايين
قلبي خلاص مل الميادين
روحي بتمسك في درابزين
روحت بلاش
والغشاش بيحادي الحاوي
واللي مرافق .. واللي مخاوي
والأحلام على ناصية عمري ..

عايزة فلوس
طب ومنين .. والجيب الخاوي
للمنحوس
والمنحوس بيدوس عَ الجمرَة

حافي البال .. مع حافي اللقمة
لقمة قليلة .. وطن غناوي
نفسى بيهرب فى الصحراوي
فى الصحراوي الديب ها ياكلنى
لما ياكلنى الديب احسن لي
م السر اديب
بيب .. بيب .. بب بب بيب

ما فارقالشي

أبوح أيا .. أبوح
عز العرب بيروح
يا طالع القمرة
هات لي معاك نشرة
بالقتلى والأسرى
كام يتما .. فى الأسرة
كام ماتوا بالحسرة
والحسرة ماسكاني
فى جنابي وضلوعي
من جوعي عصافيري
شغاله تصفيرى
يارايح الزراعات
هات لي معاك فرعات
من حزمة البصلة
وطيت كما البصلة

مِ القدس للبصرة
يا قلبي لا تحزن
بكرة اللي جاي أحسن
قاعدين على الطرقات
عميان ومش بُصرا
أو قول ما فارقاشي
بين اللي صار قاعد
بين اللي صار ماشي

ماشي ف ضلام الليل
والليل طويل يابا
وحكاية كدابة
كدابة ضحككتنا
والنظرة قلقانة
والنشرة فلقانا
رصوا الكلام .. رصّوه
قالوا الكلام لحسوه
لحسوا التراب سفوا
واتساووا واتصفوا

على عضمايات الناس
قاعدین بیتدقوا
یا محرك الدفة
ومقدّف المقاديف
إدّيني كام لفّة
بین وشوشات الريف
والريف ظريف يا خال
راحت عليك وانسى
ونسه لقلبي الخال
نفسى ف قلب أنثى
وانسى اللي صار و اطويه
واربط يابوي خطاويه

خلي الطابق مستور
خلي السؤال مصرور
واخفي اللسان والويه
واخزي الشيطان يا ابني
لاحسن تضيع وتغور .

يمكنك يصدقك زمانك

سكّي البوابة .. سكّي
على كل سكة .. سكّي
يمكن يصدق زمانك
ويروح من قلبي .. شكّي

مش واضحة .. ومش صريحة
قلقاني .. ومش مريحة
وباخور زي الدبيحة
بتعيدي ليه .. وتحكي

بتشيلي .. كل .. شبيهة
عن ناس محسوب .. حسابها
والصورة تبقى أبهى
والناس حالهم .. يبكي

الصورة .. زور .. وزيفي
غرقان قلبي ف نزيبي
شكلك مابقاش ظريفي
فكفاية .. بلاش تعكي

قرفان وشربت قرفة
ولا عندك .. أيّ صرفة
وأخذتي الكذب حرفة
مش شايقة أيّ ضنكي

الهلس عال وماشي
وانتي .. مع اللي ماشي
خايف علي صحن ماشي
تاخديه .. أو فيه تشاركي

الضيق بيضيق زيادة
وانتي ف غاية البلادة
ولا يقطع ليكي .. عادة
قاعدة ف راسك تحكي

بائعاني بشكل شرعي
وبقيت طريد .. شوارعي
فياريت بفتات .. تسارعي
وإن كان فيه فكّة .. فكّي

تُجّار طافحين شراهم
مين باعها ومين شراها
ميم صاهاها فين .. وراها
ولا نابني منها .. وركي

والسوق منصوب وحامي
والبيع طال المحامي
مطلوب أبلع .. لجامي
وامضي .. علي كل سركي

فهمان أنا وابن " حنّته "
نكذب ونقول روعي انت
مبسوطة نقول .. روح انت
زعلانة .. تيجيني .. تشكي

قواشيط بنعوم في طاولة
علي مين ترسي المقولة
خايف أكسيلي جولة
أتغز بسن "سونكي"

والبركة في الناضورجي
والعفريت الأدارجي
على ضهري .. حظ سرجي
وبقيت جحشاوي "دونكي"

كل الزحل منها

عايزاني و ف لمح البصر
تحضني واحضنها
عايزاني اطمئنها
كل التعب .. من صناعي وبكيفي
عايزاني آخذها ف حضني واعصرها
أهرسها بكفوفي
من غير شروط
دلوقتي ليه
باعتالي وملحه
مش من عادتها القرب والطبيب
وسؤالها ع الصحة
نيتها إيه ؟
دي حبيبتي وعارفها
دايما تخوفني
ما اعرفش اخوقها

عايزاني ليه ؟
كيف اكتشفتي ف زحمة التايهين
عنواني ومقرّي
وجمعتي اسمي منين
ما تقولي .. ما تقرّي
عمرك ما كنتي بتسألني علي حد
عمري ما كنت ف جدولك محطوط
مشطوب عليا .. بألف خط سميك
خايف أخطي .. خطوتين تاني
رجليا نتزحلق ..
من لمعة السيراميك

دلوقتي بس بتجمعي الأشياء
وتعيدي من قلب الممات أحياء
قادرة وإيديكي تطول
وان عوزتي شوق وحنين
بتغني ع الأرغول
يا غريبة الأحوال
متمكنة وقافلة

بتدوسي غ المجاريح
مبسوطة بتضمي ..
وترضعي التماسيح
وتموتي الحارس بسوء ظنك
ولا ليكي أي حلول
بترحلي الحادث بعيد عنك
وتقيديه مجهول

إصدارات الطليعة

سلسلة إصدارات تعنى بنشر إبداعات كتاب ملتقى الطليعة
وفق ضوابط تحكم عملية النشر .

وقد حظى ديوان "روحك تنط لتحت" للشاعر
عبدالناصر علام بأن يكون باكورة هذه الإصدارات ، حيث
كان الفائز فى مسابقة "بيرم الطليعة" التى نظمها الملتقى
وكانت لجنة التحكيم برئاسة الشاعر الكبير السيد حجاب.
ويتواكب مع هذا الديوان إصدار ديوان "صرخة صبي"
للشاعر أشرف فايز وستتوالى الإصدارات تباعاً ،
وستأخذ أحياناً شكل الإصدار الجماعى لمجموعة من كتاب
الملتقى.

ملتقى الطلبة

إنطلق الملتقى فى الأول من مايو ٢٠٠٧ م من خلال موقعه الإلكتروني :

www.al-taleeah.com

ويأتى الملتقى كصورة من صور إحياء الجماعات الأدبية والتجمعات الثقافية في ثوب عصري، خيوطه أكثر إيجابية وتفاعلية وذلك عن طريق جعل الملتقى ساحة تفاعل وتلاق سواء من خلال موقعه الإلكتروني أو على أرض الواقع من خلال الأمسيات والنـدوات واللقاءات. كما يهدف الى إعادة ضخ الحيوية إلى جسد الأمسيات والاحتفاليات والفعاليات الأدبية والفكرية والثقافية. وأن يعمل على تشجيع المواهب الأدبية الموجودة، وطرحها على الساحة بالشكل الذي يضمن استمرارها، والمساعدة فى اكتشاف مواهب جديدة، وذلك من خلال مسابقة سنوية، خصصت دورتها هذا العام للشعر العامي. ويحرص الملتقى على تكريم بعض الشخصيات الفاعلة فى الساحة الأدبية ، وقد تم تحقيق بعض ذلك على أرض الواقع فى فترة وجيزة ، وأقيمت احتفالية كبرى قبل أقل من ثلاثة شهور من تأسيس الملتقى ، وكانت احتفالية رائعة

بكل المقاييس وكان مكانها ساقية الصاوي بالقاهرة، لم يكن من المتوقع هذا الحضور الكثيف الذي اضطر البعض لتمضية الساعات الثلاث واقفاً، وسعيداً... لم يأتوا فقط للاحتفال بمولودهم الجديد، أو مراقبته وهو يحبو أمامهم على عتبة طريق الحلم، وإنما جاءوا لاحتضانه والإحاطة به، وكأنهم يشكلون خط دفاع لحمايته من أن تتخاطفه غربان الفوضى الثقافية.

فهرست

۵	إهداء
۶	هیه الحیاة
۱۵	واخذنا لفین
۱۸	کارتون
۲۸	زي الحقيقة
۳۱	مساحین الجوخ
۳۳	ارفع الشعار
۳۸	الرك ع النیات
۴۴	ولا حد
۵۶	معقولة دي
۵۸	فرقت معاي

يمكن بضحك زمانك

٦٨

كل الزعل منها

٧٢